



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno CCCXIV. ad annum CCCXLVI.

Parisiis, 1644

XI. Non congruere, presbyteras in mulieribus ordinari.

urn:nbn:de:hbz:466:1-15072

VI.

Quod hæretici non permittendi sint ingredi in domum, in hæresi permanentes.

VII.

De his qui ab hæreticis conuertuntur, id est, Nouatianis, aut Photinianis, aut Tessaradecatitibus, siue baptizati sint illi, seu catechumeni, non ante suscipiantur, quam omnes hæreses anathematizent, & præcipue illam qua detinebantur. Et tunc demum hi, qui apud eos dicebantur fideles, nostræ doceantur fidei symbolum; & vncti sancto christo, sic mysteriis communicent sacrosanctis.

VIII.

De his qui conuertuntur ab hæresi, quæ dicitur Cataphrygarum, & si in clero qui apud eos esse creditur, fuerint, & si maximi nominentur, hos sub omni diligentia ab Episcopis Ecclesiæ vel presbyteris instrui & baptizari conueniet.

IX.

Quod non permittantur Ecclesiastici ad hæreticorum cœmeteria, vel ad ea quæ ab eis martyria appellantur, orationis causa vel sanitatis accedere: sed huiusmodi, si fideles fuerint, certo tempore communionem priuari: pœnitentes autem, & confitentes se deliquisse, conuenit suscipi.

X.

Quod non oporteat indifferenter Ecclesiasticos fœdere nuptiarum hæreticis suos filios filiarumque coniungere.

XI.

Quod non oporteat eas, quæ dicuntur presby-

ANNO CHRISTI ...
teræ vel præidentes, in Ecclesiis ordinari.

XII.

Vt Episcopi iudicio Metropolitanorum & eorum Episcoporum, qui circumcirca sunt, prouehantur ad Ecclesiasticam potestatem; hi videlicet, qui plurimo tempore probantur tam verbo fidei, quam rectæ conuersationis exemplo.

XIII.

Quod non sit permittendum turbis electiones eorum facere, qui sunt ad sacerdotiũ prouehendi.

XIV.

Quod sancta nullo modo, causa eulogiarum tempore Paschalis festi, ad alias parochias debeant destinari.

XV.

Quod non oporteat amplius, præter eos qui regulariter cantores existunt, qui & de codice cantunt, alios in pulpitem conscendere, & in Ecclesia psallere.

XVI.

Quod in Sabbatis euangelia cum aliis scripturis legi conueniat.

XVII.

Quod in conuentu fidelium nequaquam psalmos continuare conueniat, sed per interuallum, id est, per psalmos singulos recēseri debeant lectiones.

XVIII.

Quod idipsum officium precum & nona & vespera semper debeat exhiberi.

XIX.

Quod oporteat seorsum primum post allocu-

N ij